

## Te 'Akanoonoo'anga 'Akaneke (Special Portability) kia rauka i te koi i te Moni Akangaroi a te Aronga Pakari, e ta te Au Vaeau 'Akangaroi (Veterans) o Aotearoa nei, i te au enua i vao mai ia Aotearoa

*Te akatano openga anga, ra 18 o Tiunu 2007*

Na te 'Akanoonoo'anga 'Akaneke (Special Portability) e rauka'i ia koe i te koi atu rai i taau Moni 'Akangaroi a te Aronga Pakari, me kare ra, a te Au Vaeau 'Akangaroi, tei matau koe i te koi i Aotearoa nei, e ka rauka katoa ia koe i te koi, me neke koe ki tetai o teia au basileia o te Moana Nui O Kiva, noo ei.

American Samoa	Nauru	Samoa
Cook Islands	New Caledonia	Solomon Islands
Federated States of Micronesia	Niue	Tokelau
Fiji	Northern Mariana Islands	Tonga
French Polynesia	Palau	Tuvalu
Guam	Papua New Guinea	Vanuatu
Kiribati	Pitcairn Island	Wallis and Fortuna
Marshall Islands		

**Ko te ravenga e rauka'i ia koe i te koi i taau moni 'akangaroi a te aronga pakari o Aotearoa** me noo koe ki tetai o teia au basileia o te Moana Nui O Kiva, māri ua:

- kua rauka toou tika'anga no te koi koe i te moni 'akangaroi o Aotearoa, i mua ake i 'akaruke ei koe ia Aotearoa, e perā katoa e,
- e tika'anga tinamou toou i te koi i te moni 'akangaroi o Aotearoa. Ko te au tokorua o te reira aronga tei kore i tau kia koi i teia moni 'akangaroi (teia tetai 'akara'anga, me karē to ratou tokorua i tae ake ki te 65 mataiti), karē ratou e koi i teia moni i vao mai ia Aotearoa, e perā katoa e,
- ka tere atu i te 52 epetoma i te noo'anga ki tetai o teia au basileia o te Moana Nui O Kiva, e perā katoa e,
- te noo tinamou ra koe ki tetai o teia au basileia o te Moana Nui O Kiva me tutaki'ia atu teia moni kia koe, e perā katoa e,
- te noo tinamou ra koe, e tei Aotearoa nei koe i te ra i tuku'ia'i taau pati'anga no te 'akanoonoo'anga 'akaneke i taau moni ki vao mai ia Aotearoa ('akara'ia atu te au tuatua 'akakitekite tika tika'i no te *Turanga Tika'anga Noo ki Aotearoa e rauka'i i te koi i te au moni tauturu e te au moni 'akangaroi*).

**Teia te turanga 'akanoo o te moni te ka koi koe:**

Mei te mea e, kua noo koe ki Aotearoa nei...	Teia taau ka rauka i te koi...
mei te tae'anga koe ki te 20 mataiti, e kua noo koe tere atu i te 20 mataiti, ma te kore rava koe i 'akaruke ana i teia enua	Te katoatoa'anga o te moni tei oti i te 'akataka'ia

Mei te tae'anga koe ki te 20 mataiti, e kua noo koe mei te 10 ki te 20 mataiti, ma te kore rava koe i akaruke ana i teia enua	Ka koi koe, e 1/20 i te tuanga o te moni tei oti i te 'akataka'ia no te au mataiti tatakitai mei toou noo'anga ki konei, i te tae'anga toou mataiti ki te 20
Mei te tae'anga koe ki te 20 mataiti, e kua noo koe e 10 mataiti, ma te kore rava koe i 'akaruke ana i teia enua.	Ka koi koe āpa i te tuanga o te moni tei oti i te 'akataka'ia

**Ko tetai au tauturu ke atu** te ka oronga'ia atu kia koe i Aotearoa nei, karē te reira e rauka ia koe i te koi i vao mai ia Aotearoa, mei te moni tauturu me noo koe ko koe anake ua, te moni tauturu i te aronga pakipaki-tai (disability allowance), me kare ra, te moni tauturu 'akarava i te tutaki ngutuare (accommodation supplement).

**Mei te mea e, te koi ra koe i tetai moni tauturu (benefit), me karē ra, i tetai moni 'akangaroi o tetai basileia i vao mai ia Aotearoa,** ka 'akatano'ia na mua te tuanga moni tei 'akataka'ia no te koi, ka 'akanoo'ia'i taau ka koi, kia tau ki tei oti i te 'akataka'ia e te 'akapapa'anga i runga ake nei.

Karē te **Moni Tero** i 'akapae'ia i Aotearoa nei i mua ake ka raveia'i te au tutaki'anga i te au basileia i vao mai ia Aotearoa. Penei ka tutaki tero koe ki te basileia e noo ra koe, no taau au moni e koi ra koe. Me ka tika, kapiki'ia te au arataki o te tuanga tero o te basileia taau ka neke ki reira noo ei, no te pati atu i tetai au tuatua 'akakitekite ke atu no teia.

**Me ka tika, e 'akakite mai koe kia matou me ka tupu ake tetai au tauī'anga** te ka riro i te 'akatuke i taau au koi'anga moni, penei, mei teia te tu o tetai au tauī'anga:

- te au tuatua noou, mei teia tetai au 'akara'anga, toou ingoa, me karē ra, te ngai e noo ra koe (address)
- toou turanga e noo ra koe, mei terā ra e, me kua 'akamata koe i te noo kapiti e tetai tokorua ou
- mei te mea e ka neke koe, me kare ra, toou tokorua, ki tetai basileia ke
- mei te mea e, kua 'akamata koe, me karē ra, toou tokorua, i te koi i te moni 'akangaroi a tetai basileia i vao mai ia Aotearoa.

Ka tuku putuputu ia atu tetai au Pepa Ora'anga (Life Certificates) te ka 'akaki koe, e ka 'akaoki mai, ei ravenga i te 'akapapu e, te tano ra te au tuatua no toou ora'anga, e te turanga o toou au tika'anga. Me ka tika, e 'akakite katoa mai koe kia matou, me oki mai koe ki Aotearoa nei noo ei.

**E kapiki koe i te Work and Income i mua ake ka aere ei koe ki vao mai ia Aotearoa,** ua atu e, eaa toou 'akakoro'anga i aere ei koe, e, eaa te roa ia koe i te atea'anga. Na teia e 'akapapu, ma te 'akatinamou ua atu rai e, kua tano meitaki taau ka koi ('akara'ia atu te pepa o te tuatua 'akakitekite no te *Aere'anga ki Vao Mai i te Basileia*).

**No tetai au tuatua 'akakitekite ke 'akaou mai no runga i te 'akanoo'anga 'akaneke,** e ringi mai koe ia matou ki runga i te numero, kare koe e tutaki 0800 777 117. Me ka ringi mai koe mei vao mai ia Aotearoa, e ringi mai koe i te numero founu +64 4 978 1180. E tata mai koe kia matou ki te pia mere PO Box 27-178, Wellington, New Zealand, me karē ra, e i-mere mai koe ki runga i te [international.services@msd.govt.nz](mailto:international.services@msd.govt.nz). E 'akara katoa atu koe i ta matou vepūtaite, i runga i te [www.workandincome.govt.nz/international-services/](http://www.workandincome.govt.nz/international-services/)

No tetai au tuatua 'akakitekite ke 'akaou no te Moni 'Akangaroi (Veterans Pensions) a te Au Vaeau, me ka tika, kapiki'ia atu te Opatī Tauturu o te Moni 'Akangaroi o te Tamaki (War Pension Services) ki runga i te numero founu 0800 553 003.

Mei te mea e, kua turi takiri toou nga taringa, me kare ra, karē koe e rongō meitaki ana, ka rauka ia koe i te tuku tuatua mai kia matou na runga i te matini fax a te putuputu'anga Deaf Link, te karē koe e tutaki, ki te numero 0800 621 621. E tangata uri reo katoa tetai te ka tauturu ia koe, me kapiki mai koe ia matou i runga i te numero founu 0800 777 177.